



Stjórn SSH 480. fundur

Mánudaginn 6. janúar 2020, kl. 12:00, kom stjórn SSH saman til fundar á skrifstofu SSH, Hamraborg 9, Kópavogi.

Fundinn sátu: Ásgerður Halldórsdóttir, Dagur B. Eggertsson, Gunnar Einarsson og Rósa Guðbjartsdóttir formaður stjórnar. Pálmi Þór Másson í fjarveru Ármanns Kr Ólafssonar.

Gestir fundarins:

Héðinn Unnsteinsson og Snædís Helgadóttir frá Capacent ráðgjöf – fundarliður 1.
Magnús Árnason framkvæmdastjóri skíðsvæðanna – fundarliður 2.

1. Sóknaráætlun 2020-2024 / málsnr. 1906002

Framhald umræðu um drög að Sóknaráætlun 2020-2024 frá síðasta fundi stjórnar 2. desember 2019. Farið er yfir drögin af framkvæmdastjóra ásamt ráðgjöfum frá Capacent, Héðni Unnsteinsyni og Snædís Helgadóttur.

Umræður

Niðurstaða fundar:

Ábendingum, hugmyndum og athugasemdum komið á framfæri sem tekið verður tillit til við endanlega útgáfu áætlunarinnar. Stjórn samþykkir að drög að sóknaráætlun með áorðnum breytingum fari til umsagnar í samráðsgátt stjórnarráðsins og endanlega drög verði síðan lögð fyrir stjórn til endanlegrar afgreiðslu á fundi stjórnar í byrjun febrúar.

2. Málefni skíðasvæðanna / málsnr. 1501005

Tekin er til umræðu staða og næstu skref er varðar framkvæmdir á skíðasvæðum höfuðborgarsvæðisins.

Eftirtalin gögn lágu fyrir fundi vegna þessa máls:

- Minnisblað framkvæmdastjóra fyrir hönd verkefnahóps um uppbyggingu og rekstur á skíðasvæðum.
- Tillaga að viðauka við samkomulag um endurnýjun og uppbyggingu á mannvirkjum skíðasvæða höfuðborgarsvæðisins. Á fundi stjórnar SSH 4. nóvember 2019 var framkvæmdastjóra falið að vinna að viðauka við samning sveitarfélaganna er varðar uppbyggingu á skíðasvæðum höfuðborgarsvæðisins.
- Viðauki við erindissbréf verkefnahóps vegna uppbyggingar og reksturs skíðasvæða höfuðborgarsvæðisins.
- Önnur gögn er málið varðar.

Skv. minnisblaði framkvæmdastjóra er staðan á verkefni sú að Veitur hafa afturkallað kæru sína vegna matsskyldu framkvæmda á skíðasvæðunum með bréfi til Úrskurðarnefndar umhverfis- og auðlindmála frá 9. desember 2019. Ástæða afturköllunar byggist á fyrirhuguðum mótvægisáðgerðum sem Veitur hafa talið nauðsynlegar til að minnka hættu á mengun vatnsbóla höfuðborgarsvæðisins. Í því efni er m.a. fjallað um mótvægisáðgerðir Vegagerðarinnar og ákvörðun veitna sveitarfélaganna að setja upp sírita í holu núverandi vinnsluholu skíðasvæðisins og borun á fjórum nýjum rannsóknarholum í því skyni að styrkja grunnvatns- og rennislífkans höfuðborgarsvæðisins.

Framkvæmdaleyfi vegna framkvæmdanna á skíðasvæðinum verður tekið fyrir til umræðu og afgreiðslu hjá Kópavogsbæ þann 6. janúar. Athugasemda- og kærufrestur er til 17. febrúar 2020. Að því gefnu að framkvæmdaleyfi verði gefið út um miðjan febrúar 2020 er ekkert því til fyrirstöðu að bjóða út fyrsta



áfanga framkvæmdanna. Á þeim tímapunkti verða útboðsgögn endanlega tilbúin og útboð getur farið fram.

Að framgangi verkefnisins hefur verkefnahópur starfað á undanförunum misserum. Lagt er til að verkefnahópurinn starfi áfram og sinni fyrst og fremst samræmingar og eftirlitshlutverki með framkvæmdinni. Ráðinn verði verkefnastjóri framkvæmdanna til að halda utan um stjórn og eftirlit með verkefninu (sjá viðauka erindisbréf).

Umræður.

Niðurstaða fundar:

Stjórn samþykkir að vísa fyrirbyggjandi drögum að viðauka við Samkomulag um endurnýjun og uppbyggingu á mannvirkjum skíðasvæða höfuðborgarsvæðisins frá 7. maí 2018 til umræðu og afgreiðslu aðildarsveitarfélaganna.

Stjórn samþykkir fyrirbyggjandi drög að viðauka við erindisbréf verkefnahóps vegna uppbygginga og reksturs skíðasvæðanna frá 5. mars 2018 og að fulltrúa samstarfsnefndar skíðasvæðanna verði boðin sæti í verkefnahópnum.

3. Skilavegir – yfirlýsing vegna til sveitarfélaga samkvæmt vegalögum nr. 80/2007 /málsnr. 1910012

Áframhaldandi umræða um erindi Vegagerðarinnar til sveitarfélaganna er varðar skilavegi – yfirlýsing vegna til sveitarfélaga samkvæmt vegalögum nr.80/2007. Málið var áður á dagskrá 4. nóvember og 2. desember 2019.

Eftirtalin gögn lágu fyrir fundi vegna þessa máls:

- a) Minnisblað viðræðunefndar SSH um stöðu málsins sem stjórn óskaði eftir á fundi stjórnar 2. desember 2019.
- b) Drög að viljayfirlýsingu samgöngu- og sveitarstjórnarráðherra, Vegagerðarinnar, SSH og Sambands íslenskra sveitarfélaga.

Alþingi hefur nú samþykkt breytingu á vegalögnum, nr. 80/2007 með síðari breytingum, um að framlengja viðræðum við sveitarfélögin um yfirlýsingu vegna þannig að yfirlýsningunni verði lokið fyrir 1. janúar 2021.

Þá verður unnið sameiginlega að gerð viljayfirlýsingar aðila um málið sem nú er í vinnslu og liggur fyrir í drögum.

Umræður.

Niðurstaða fundar:

Stjórn felur formanni stjórnar og framkvæmdastjóra að vinna að og afgreiða endanlega viljayfirlýsingu fyrir hönd SSH.

4. Tilnefning í Vinnumarkaðsráð Höfuðborgarsvæðisins – endurskipun 2019-2023. /málsnr. 1912003.

Framhald frá fundi stjórnar 2. desember 2020. Bréf frá félagsmálaráðuneytinu frá 28. október þar sem óskað er eftir tilnefningu tveggja fulltrúa í Vinnumarkaðsráð Höfuðborgarsvæðisins.

Umræður.

Niðurstaða fundar:

Stjórn samþykkir að skipa Lóu Birnu Birgisdóttur sem aðalman og Auði Björgvinsdóttur sem varamann í Vinnumarkaðsráð höfuðborgarsvæðisins fyrir hönd SSH.



5. Stjórnsýsla byggðasamlaga /málsnr. 1912001

Áframhaldandi umræða frá síðasta fundi stjórnar en þar var formanni og framkvæmdastjóra falið að leggja fyrir stjórn samantekt yfir þá vinnu sem unnin hefur verið á undanförunum árum tengda stjórnsýslu byggðasamlaganna og tillögur að uppsetningu og formi verkefnisins.

Í starfsáætlun 2020 er fjallað um verkefnið, „Stjórnsýslu byggðasamlaga“ en þar segir: *Að hefja umræðu og stofna til verkefnis um stjórnsýslulega stöðu byggðasamlaganna. Utanaðkomandi ráðgjafi verði fengin til að vinna tillögugerð í samráði við sveitarfélögin er varðar framtíðar stjórnskipulag byggðasamlaganna. Þá verði farið yfir þá vinnu sem þegar hefur verið unnin á þessum vettvangi, endurskoðun á samþykktum og eigendastefnu byggðasamlaganna með skilvirkni og hagræði að leiðarljósi.*

Umræður.

Niðurstaða fundar.

Stjórn felur formanni og framkvæmdastjóra að undirbúa tillögugerð og leggja fram tillögu að verk- og tímaáætlun á næsta fundi stjórnar.

6. Efling innviða í flutnings- og dreifikerfi raforku, fjarskiptum, samgöngum og byggðamálum til skemmri og lengri tíma /málsnr. 2001001

Bréf frá Hermann Sæmundssyni, skrifstofustjóra skrifstofu sveitarfélags og byggðamála hjá samgöngu- og sveitarstjórnarráðuneytinu, er varðar skipan átakshóps fimm ráðuneyta sem hefur það hlutverk með höndum að koma með tillögu um eflingu innviða í flutnings- og dreifikerfi raforku, fjarskiptum, samgöngum og byggðamálum til skemmri og lengri tíma. Óskað er eftir greinargerð með ábendingum um umbótaverkni á ýmsum sviðum er varðar eflingu innviða og öryggi íbúa. Samkvæmt upplýsingum frá ráðuneytinu er gert ráð fyrir að greinargerðir Landshlutasamtakanna verði tilbúnar um miðjan janúar mánuð.

Umræður.

Niðurstaða fundar:

Framkvæmdastjóra falið að vinna að greinargerðinni í samráði við aðila máls.

7. Sundabraut – viðræður ríkisins og SSH / málsnr 1908005.

Samgöngu- og sveitarstjórnarráðherra og Samtök sveitarfélaga á höfuðborgarsvæðinu skipuðu verkefnishóp í september 2018 til að fjalla um uppbyggingu samgangna á höfuðborgarsvæðinu til 2033, stofnvegi og kerfi almenningsamgangna. Hópurinn skilaði niðurstöðum sínum og tillögum í skýrslu í nóvember 2018. Hópnunum var einnig falið að fjalla sérstaklega um málefni Sundabrautar og gerð er grein fyrir þeirri vinnu í þessari skýrslu.

Umræður.

Niðurstaða fundar:

Stjórn samþykkir að vísa skýrslu um Sundabraut til aðildarsveitarfélaganna til umræðu.

8. Fundargerð stjórnar Sorpu bs. – fundur 416.

Fundargerð stjórnar Sorpu bs frá 6. desember 2019 lögð fram til kynningar.

9. Fundargerðir Sambands íslenskra sveitarfélga nr.876 og 877.

Fundargerðir Sambandi íslenskra sveitarfélaga frá 29. nóvember og 13. desember lagðar fram til kynningar.



10. Fundargerð SSNV – 50 fundur og fundargerð haustþings.

Fundargerðir SSNV frá 3. desember 2019 lögð fram til kynningar.

11. Umsagnir þingmála /málsnr. 1910005

- a) Samgönguáætlun 2020-2024 og 2020-2034.
- b) Bygging hátæknisorbrennslustöðvar.
- c) Lyfjalög.
- d) Þjóðlendur og ákvörðun marka eignarlanda, þjóðlendna og afrétta (leyfisveitingar, málsmeðferð, endurupptaka o.fl.

Samtök sveitarfélaga á höfuðborgarsvæðinu lögðu fram umsögn um tillögu til þingsályktunar um samgönguáætlun fyrir árin 2020-2024 og 2020-2034 þann 31. október 2019 er tillagan var lögð fram í samráðsgátt stjórnarráðsins. Nú hefur samgöngunáætlunin verið lögð fram á Alþingi.

Stjórn felur framkvæmdastjóra að fylgja fyrri umsögn eftir við umsögn um þá samgönguáætlun sem lögð hefur verið fram við Alþingi.

Fundi slitið kl. 14:00